

妙諦法音

佛說木槵子經

南無本師釋迦牟尼佛

自歸於佛 當願眾生 紹隆佛種 發無上意

自歸於法 當願眾生 深入經藏 智慧如海

自歸於僧 當願眾生 統理大眾 一切無礙

佛說木槌子經

聞如是：一時，佛遊羅閱祇耆闍崛山中，與大比丘眾一千二百五十人俱，菩薩無數。名稱遠聞，天人所敬。

時，難國王，名波瑠璃，遣使來到佛所，頂禮佛足。

白佛言：世尊！我國邊小，頻歲寇賊，五穀踊貴，疫疾流行，人民困苦，我恒不得安臥。

如來法藏，多悉深廣。我有憂務，不得修行。惟願，世尊！特垂矜愍，賜我要法。使我日夜，易得修行。未來世中，遠離眾苦。

佛告王言：若欲滅煩惱障、報障者，當貫木槌子一百八，以常自隨。若行、若坐、若臥，恒當至心，無分散意，稱佛陀、達磨、僧伽名，乃過一木槌子。如是，漸次度木槌子，若十、若二十、若百、若干，乃至百千萬。

若能滿二十萬遍，身心不亂，無諸諂曲者，捨命得生第三焰天，衣食自然，常安樂行。若復能滿一百萬遍者，當得斷除百八結業，始名背生死流，趣向泥洹，永斷煩惱根，獲無上果。

使還啟王。王大歡喜，遙向世尊，頭面禮佛。稱：大善！我當奉行。即勅吏民，營辦木楔子，以為千具。六親國戚，皆與一具。王常誦念，雖親軍旅，亦不廢置。

又作是念：世尊大慈，普應一切。若我此善，得免長淪苦海，如來當現身，為我說法。願樂迫心，三日不食。

佛即應形，與諸眷屬，來至其宮內。而告王曰：莎斗比丘誦三寶名，經歷十歲，得成斯陀含果。漸次習行，今在普香世界，作辟支佛。

王聞是已，倍復修行。

佛告阿難：何況能誦三寶名，經歷萬數。但能聞此人名，生一念隨喜者，未來生處，常聞十善。

說是語時，大眾歡喜，皆願奉行！

無上妙法喜見聞 三寶宏名常稱念 百八結業煩惱斷 趣向泥洹獲聖果

受持及讀誦 讚歎並宣說 福慧俱增長 災障悉消除

現眷咸安康 先親得超昇 見聞與隨喜 皆共成佛道



香港新界屯門藍地青山公路18號妙法寺 <https://www.mfbm.hk>
18 Castle Peak Road, Lam Tei, Tuen Mun, N.T., Hong Kong